

GRATIS
AWE
Mainta
e corant di Toko

CU RESTAURACION DI EDIFICIO ZOUTMANSTRAAT POCO POCO BINNENHOF TA HAYANDO SU FORMA



CU proyectonan realisa den area di cede di gobierno, Gabi-

nete Mike Eman ta dal un paso dilanti pa yega mas cerca di logra un Binnenhof pa Aruba. E prome proyecto grandi pa e meta aki ta edificio Cocolishi, cu ta bira e principal sede di Gobierno di Aruba. E edificio aki ta practicamente cla y solamente falta Plasa Padu Lampe, cu ta e parti dilanti di e edificio.

Siman pasa tambe Gobierno por medio di Prome Minister

Mike Eman y Minister encarga cu Infraestructura Benny Sevinger, a dal un paso mas den realisacion di e Binnenhof. A inicia cu renobacion di e edificio historico Zoutmanstraat1, cu tabata e prome sede di Gobierno. E proyecto di Binnenhof y tur e restauracionnan di edificionan historico den e area ta forma parti di e plan integral di renobacion di Centro di Ciudad, Premier Eman a splica na

e ocasion ey.

Ya caba tin varios trabou di construccion cu a wordo haci, Premier Eman a bisa, tanto dilanti como patras di Bestuurskantoor, cu e expansion, lo bay conecta te dilanti Cas di Gobernador y forma un Binnenhof di edificionan historico, combinando monumento- cu entidadnan di pais Aruba "dunando un realce hopi grandi na e rikesa historico y herencia

cultural di Aruba. Na mesun momento e ta eleva e calidad di producto Aruba. Esaki ta e meta tambe cu renobacion di caya grandi, renobacion di edificionan historico manera Corte y Watertoren y tambe e edificio di Havenmeester Kantoor. "Awor a toca turno na Zoutmanstraat1 cu ta uno masha bieu pa cual su restauracion ta bou guia di Yvonne Webb, experto den monumento.

Dijtham
We've got it!

Opening Hours:
8.00 am - 6.00 pm non-stop
Saturday 8.30 am - 5.00 pm

Schotlandstraat 67 - Tel. 588 9526